




Si Manok at Si Milipid


-  Winny Asara
-  Magriet Brink
-  Karla Comanda
-  Tagalog
-  Level 3

(imageless edition)






Magkaibigan si Manok at si Milipid.
Pero lagi silang nakikipagpaligsahan sa
isa't isa. Isang araw, napagpasyahan
nilang maglaro ng putbol para makita
kung sino ang pinakamagaling na
manlalaro.



Nagtungo sila sa putbolan at inumpisahan ang kanilang laro. Mabilis si Manok, pero mas mabilis si Milipid. Malayo ang sipa ni Manok, pero mas malayo ang sipa ni Milipid. Nagumpisang uminit ang ulo ni Manok.



Napagpasyahan nilang maglaro ng penalty shoot-out. Nag-goalkeeper muna si Milipid. Isang gol lang ang naskor ni Manok. Pagkatapos, naging taya naman si Manok para depensahan ang gol.




Sinipa ni Milipid ang bola at naka-iskor siya. Dinribol ni Milipid ang bola at naka-iskor siya. Inulunan ni Milipid ang bola at naka-iskor siya. Naka-limang gol si Milipid.




Galit na galit si Manok sa kanyang pagkatalo. Picon siyang talunan. Tinawanan ni Milipid si Manok dahil nagiinarte ang kaibigan niya.




Sa sobrang galit ni Manok, tinuka niya si Milipid at nilunok ito.



Habang lumalakad pauwi si Manok,
nakasalubong niya si Mama Milipid.
Tanong ni Mama Milipid, “Nakita mo ba
ang anak ko?” Hindi sumagot si Manok.
Nag-alala si Mama Milipid.




Pagkatapos, may narinig na maliit na boses si Mama Milipid. “Tulong, Mama!” iyak ng boses. Tumingin si Mama Milipid sa paligid niya at nakinig ng mabuti. Nanggaling ang boses mula sa loob nang manok.



Sigaw ni Mama Milipid, “Anak, gamitin mo ang iyong espesyal na kapangyarihan!” Kayang gumawa ng mga milipid ng mabahong amoy at masamang lasa. Nag-umpisang sumama ang pakiramdam ni Manok.



Dumighay si Manok. Pagkatapos,
lumunok at dumura siya. Pagkatapos
ay bumahing at umubo siya. At umubo.
Kadiri ang milipid!



Umubo si Manok hanggang sa naiubo niya ang milipid na nasa kanyang sikmura. Gumapang si Mama Milipid at ang kanyang anak sa isang puno para magtago.



Mula noon, naging magkaaway ang mga manok at mga milipid.



Storybooks Canada

storybookscanada.ca

Si Manok at Si Milipid

Written by: Winny Asara

Illustrated by: Magriet Brink

Translated by: Karla Comanda

This story originates from the African Storybook (africanstorybook.org) and is brought to you by Storybooks Canada in an effort to provide children's stories in Canada's many languages.



This work is licensed under a Creative Commons
[Attribution 3.0 International License](http://creativecommons.org/licenses/by/3.0/).